

արդարեղը), ձէթ, ձիթապտուղ, պանիր, ձաւար (պուլղուր), կորկոտ, բրինձ, սիմիթ կամ փրփրիթ, էօրիւսէտ, մախանցա, կիլիպուլու (որ կը պահէին կարասներու մէջ պարզ ջուրով) արն (ալուճ), փիւրչիւփիւ (ստեպղին), ճէվէնկ (խաղող) չամիչ (գիւղերը), զղեար (մուսուլլա), իյսէ (փշատ) . տանձ, խնձոր, չոր թուփ, սալոր, չոր տանձ, չոր ծիրան (եարմաչա) սերկեւիլ (որ իբր բանջարեղէն ալ կը գործածուէր), ընկոյզ, բէշիլ (խաղողի հիւթի մէջ պահուած խաղողի ողկոյզներ), ուուփեր (1) (կեսարական բառով փերվերսէ), սուճուխ (չարոց կամ էվէրէկի բարբառով պանսրմա), քոճէր (էվէրէկի ճուխակը), պէսիլ, օղի, գինի, քացախ, չորցուած բանջարեղէններ, փաթլըճան (սմբուկ), պամիա, գոճմ, կանանչ բակլայ, կանանչ լուբիա, որթի տերեւ, ինչպէս նաև սև բակլայ, սիսեռ, ոսպ, և տեսակ տեսակ համեմներ, ինչպէս շաքար թէյ, խահուէ, անանուխ (նոնէ), պղպեղ (կեսարացիք կ'ըսեն պիպէր և էվէրէկցիք սախեղ), մաղսանու (աղատքեղ), լօլիկի սալցա, սոխ, սխտոր, չաման (հացհամեմ), քիմիոն (քեմոն), անխոն, քարչըն (կասի) եւայլն:

Ձմեռնային պաշարի մաս կը կազմէին նաև քուրճիներու (թթուուտ) զանազան տեսակները: Այսպէս քուրճի կը գրուին մանրուք գոճմներ, պղտիկ ձմեռուկներ և սեխեր, վարունգներ, ստեպղիններ, ձակընդեղներ, կաղամբներ, սմբուկներ, լօլիկներ, ամենայարգին էր խընձորինը:

Այսպէս ուրեմն կեսարիոյ և շրջակայ գիւղերու շայ կիները աշնան 2-3 ամիսներուն ընթացքին տքնաջան աշխատութեամբ կ'ամբարէին իրենց տարեկան ամբողջական մթերքը ու տարուան ընթացքին չունէին այլեւս գէթ այդ մտահոգութիւնը որ այժմ գրեթէ բոլոր քաղաքներու կիներուն առօրեայ զբաղմանը առարկան է:



Ը Ն Տ Ա Ն Ի Ք

Ա.

Օ Ճ Ա Խ Ի Կ Ե Ա Ն Ի

Ընտանիքը՝ շայ նահապետական բարքերու համաձայն, կ'ապրի տան մէջ բոլորուած, շուրջը տան կրակին, հոն է ընտանիքին կեանքը: Ծխանէն բարձրացող ծուխը արտաքուստ նշան մըն է թէ այդ երգիքին տակ կ'ապրի ընտանիք մը, նոյնպէս օճախին կամ քոճիւրին վառ վիճակը՝ ներքուստ խորհրդանշան է կեանքի և շարժման, ուստի օճախը ընտանիքին նուիրական գաղափարին նշանակը դարձած է:

Ինչպէս շայստանի նոյնպէս նաև կեսարիոյ մէջ երբ եղբայրներ

(1) Ինչպէս գրուածի (էվէրէկ մըր դոլումի=ասմա խապախ), սմբուկի, սերկեւիլի, ծիրանի, սեխի, լօլիկի ուուփերը. չամա (էվէրէկի լեզուով աղսա) և վերջապէս Երպէթցու: